

皇明經世文編

皇明經世文編卷之二百十五

華亭

徐孚遠 閻公 宋徵 薛尚木

編輯

陳子龍 卧子 彭 賓 燕 又

曾孫 錢 泮 雍 誦 較

承啟堂文集

議

錢 薇

均糧議

均糧

或問古哲王疆理天下則壤成賦九州析為九等於是禹貢載上中下三壤而區分之是糧雖哲王莫能

議均從古然矣。予曰：子何以天下例一鄉一邑也？夏書定賦九等，別九州也。今大江以南，全浙以東，皆屬揚州。揚之賦，下上蓋指通州，不聞更有九等也。我嘉一郡耳，麗以七邑，特揚一區之地，賦同下上。可知是糧之均，在古則然矣。或曰：地力不齊，如山木數年而僅拱把，蕩葦百畝而收鎔銖，高昂之阜多雨，乃收霍澗之鄉，遇旱反獲，物之不齊，物之情也。必欲均之，無乃各美而實左乎？予曰：是所謂因瑕棄瑜者也。夫地力不齊，如周官一易再易之田是也。今吾邑之田，高

下肥瘠大略相當無田不耕無耕不稔故穰則皆穰  
歉則皆歉其收有多寡係農之勤惰是不可以肥瘠  
論吾邑田也况不均之害不在田亦不在山與蕩而  
在官民麥之三等何也官田之糧一畝之輸有至五  
斗者民田則五升至八升而止麥地則三升至五升  
而止故貿易之際買者利糧之輕寧多價以推糧賣  
者利價之重寧存糧以增價於是改官爲民改民爲  
麥此積荒之糧所由起也又區書乘機爲奸甲戶有  
荒糧而乙丁或絕惟賄是視將甲糧推于乙戶甲戶

暗減乙戶暗增而荒糧愈賒此積荒之糧之再變也  
至於狡猾之徒與獎爲市一遇官府與民灑派存糧  
利民之賄冒認圖糧故裝已戶轉輾告謫官府一時  
難於辨究鄉民愚訥不能分訴弱者含冤屈抑巧者  
明認暗飛此積荒之糧之三變也夫糧三變而害乃  
滋甚矣今欲去斯害無他妙巧也止宜於官民麥田  
三則而均之何可援山蕩寡收之例而混阻哉然其  
間亦有冊籍名爲山蕩而業家實得水田者乃區書  
旋幹之積弊但此弊少則此害輕况太察者民無所

容。非若官民麥地之三則。叢積隱害。上眩有司而難  
察。下累貧戶之倍輸也。且官民麥田。其耕同。其獲同。  
其凶豐又同。則糧之所出。亦奚可不同。乃固爲是紛  
紜莫詰之弊哉。或曰。官民麥田。非私名也。乃國家等  
則有此。昔已定制。而今輒更。無乃不可乎。子曰。此正  
所以尊制也。夫制豈非累朝斟酌時宜。而勒爲定典  
以便民乎。洪武初。令官田起科。畝五升三合五勺。民  
田畝三升三合五勺。七年詔蘇松嘉湖等府田。如每  
畝起科七斗五升者。減半。十三年又令七斗五升。至

四斗四升者，減十之二，四斗三升，至三升六升者，減十之一，是洪武間已變通初年之制矣。宣德四年詔各處官田，每畝糧一斗至四斗者，減十之二，四斗一升至一石以上者，減十之三，此在宣德間。又變通洪武之制矣。正統元年，令浙江等處官田，每畝糧四斗一升至一石以上者，減作二斗七升，二斗一升以上至四斗者，減作二斗一斗一升，至二斗者，減作一斗。此在正統。又變通宣德之制矣。由此觀之，官田之糧，多當以後定爲準。正統之詔，今所宜遵。是官田之糧多。

不過二斗七升，輕則止於一斗。今吾邑官田尚有四

五斗者，豈當時奉行諸臣不能體列聖減賦恤民之

意，行之吾邑耶？又弘治二年，令應天上元等縣官田

糧每石減耗二斗五升，民田每畝勸出米二升。此在

官田根重民田根

弘治。又變通正統以前之制矣。夫減官田糧之多，量

一輕此洪武初政所定均其輕重變通之善者也

增民田糧之少，得損益宜民之道。卽今日均糧意也。

獨惜當時掌計之臣不能將順德美，遍行東南，乃止

行之一處耳。今之議均，正默體累朝減賦至意，推廣

孝皇哀多益寡之洪仁也。故均糧正尊國制也。或曰：



田一也。而分官民何居。予曰嘗讀大誥。以宋元入官田。我朝籍沒之田爲官田。宋元豐間。畢仲游計處兩浙官田九百六十四頃。紹興十二年。以戶產有弊。書不上砧基簿者。沒官。淳熙三年。劉邦翰等奏湖北荆南兵後地荒。而請佃之。田入官。後李椿年阿秦檜意。以水鄉秋收後。妄廢田官。修陂塘塍埂。亦爲官田。是皆言利之臣。損下益上之爲也。入國朝。凡叛竊亂常。此弊我蘇於爲尤甚。今已平定規則矣。譎僞作逆。剪平以後。盡沒其田。此官田所從來也。今當太平全盛之日。中興純德之治。豈肯存南宋利臣。

富國之計、况國初罪人、歷年幾二百、子孫殫盡、寧無一體休息之意哉、或曰、誠若所言、均糧是矣、說者謂平湖之四則、不若湖州之一則、何如、予曰、是易見耳、所謂四則者、僅補偏、抹弊之方、然田既存乎四、則糧亦分爲四等、富貧貿易之際、得藉手投隙、改重爲輕、改民爲麥、是徃弊仍在也、若湖之合官民麥地爲一、是奸狡不得減多爲少、愚蒙不致冒少爲多、雖五尺之童、亦可擁魚鱗之蚶、而享土膏之利、誠蕭曹畫一之政、龔黃坐贖之資、而堯舜垂裳之理也、或曰、糧則

均矣。黃冊亦可均乎。予曰：惡，是何言哉。冊所以紀田也。凡差徭輕重，因乎冊者也。則所以實徵也。凡官民麥地，載之則者也。今黃冊照則收田，某戶田若干，原額無改，所以存制也。實徵照田派納，三則歸一，則不分多寡，所以祛弊也。若併黃冊均之，亂之道也。十年一大造，後冊承前冊而欲均之，是今亂之也。况黃冊國制也，非啟奏不得輒更，是故事決於理，理因於時，時協其宜，一本可以萬殊，而殊途要於同歸，今也究民俗之利病，痛宿蠹之奚窮，探撿剔之要源，塞奸宄

之深寶、遵明聖之屢詔、決便計之咸宜、則糧之則不可不以時均、均之此其時矣。

均糧續議

均糧

夫田者民之業也、國之本也、而糧則因田而取民、經國者不可不有變通幹旋之術、長慮却顧之思焉。蓋法立而弊生、弊積而民病、國何賴焉。譬之琴瑟然、其不調也、必一更張之、而後可鼓、易曰窮則變、變則通、通則久、聖人明訓也。今之糧固不得不均矣、使徒見於除害、而不知悉害之端、則害不必除、能祛害之大。

歐陽公云利多於害則舉行之也。  
 而不精察隱伏之旁實則除而不盡除故前議容有  
 不暇晰者復列為數端以資芻蕘之採

計開

一定則數夫官民麥三等當歸則一前已略備矣以  
 吾鹽論之三等之中其多寡紛紜又各分為數等通  
 計之有四十餘則而其總稱但曰官民麥三等也民  
 之避多趨少錙銖必較故貧富貿易田畝之際改換  
 等則大約以官為民以民為麥而官民之中又必競  
 趨於少故糧常存于下戶利常入于富家所以徵收

之時官府難於辯詰，爭訟無已。今以湖州之一則驗之，利害較然矣。天順間，守湖郡者岳公璠奏請均賦，耗每畝正賦外加耗一斗，詔著為令。是猶均耗不均糧也。正德間，劉公天和因中丞許庭光奏請額田四千四百四十七則，均官田為一則，民田為一則，以便徵輸，詔從其請。是均糧猶有二則也。及嘉靖二十年，張公鐸始建議，謂二則弊生，改官為民，虛糧如故。據糧里邵越等呈告申請於上，始定為一則。夫自千則而歸於二，又必自二則而歸於一，則糧之必不可二。

而當準於一也明矣。

一清虛稅。夫由湖準嘉則必當一矣。但今狡猾之徒。通賄書算。于大造之際。詭洒其田。東飛西竄。隱匿不上黃冊。糧存各園爲荒糧。而田遂以無稅。此吾鹽大患也。今但若照冊田均糧。則此等無稅之田。永爲奸藪。若欲履畝丈量。是又開奸人一騙局。彼既能匿田于昔。獨不能隱丈於今哉。然則若何而可。吾意有田無疆之家。積書未有不知者。誠得心計有司。鳩合積書於寃間公署。禁絕外內傳遞交通。大示刑威利害。

開以自首免罪。使各述本圖虛糧若干。係是某戶。匿田若干。存糧若干。明白開舉。務盡荒糧而後已。仍示以免其本罪。則真情畢露。覆匿無所。而隱糧之家。亦且恐懼而不敢終掩矣。先時董令君。亦曾清查當時首發。聞有伍六千畝。近魏令君時。亦有二三千畝。惜不能竟其事。但令有力者不得買通上下。則田自難隱。糧自可清。不然。深弊猶在。何貴於均。第爲大奸匿笑耳。

一晰糧額。吾鹽有起耗田。官民田是也。有不起耗者。



麥地及艸蕩是也。今果若均糧，必先算起耗田若干。

制也。但云見者，當田于富家，往往認糧以昂價故田

畝不起耗若干畝，明著于冊。每年會計到日查算，該

日流潤，水日益，虛

起耗米若干石，分派各田均納。若今無定據而渾統均平正糧，他日見畝起耗，則不起耗者亦且渾入起耗中。又一弊端也。况本縣耗田有定數，徵耗有定石，若渾而槩起耗，其多餘耗米，不過入書算之囊橐，公家何益而反成厲民矣。

一辨馬艸。本縣官田馬艸，每畝該十二兩，准徵米八合三勺五抄。民田馬艸，每畝該二十四兩，准徵米一

升六合五勺。麥地則無馬艸。此定例也。今在均糧。正須逐件明晰。若不先算本縣官田若干畝。該馬艸米若干石。民田若干畝。該徵馬艸米若干石。明著于冊。以便稽考。但恐一槩通徵馬艸。則官田徵十二兩者。或徵如民田二十四兩矣。麥田無徵者。或亦見畝起徵矣。是馬艸之暗弊。所當加防者也。

一議徭役。各年輪該均徭。聞蘇州盡派入秋糧中。徵收在官。待臨時官府顧募克役。此恐非經常之道也。此議本崔恭敏公其利一而害三。何利也。均徭派徵于糧。則仕宦之家。

不得各年營免杜僥倖之門。得公溥之誼。故曰利。何害也。均徭因乎黃冊。黃冊十年一更。自嘉靖二十年造冊。已踰六年。役過者多。未役者少。若一該派入秋糧。則前六年役而復役。後四年役分於衆。羸縮不齊。民未輸服。害一。每秋徵糧。必令併納。旣收人官。須令寄庫。第恐收頭有覬覦之心。則侵欺難屏。官府有賢明之實。則給募乃公。萬一下之收頭。非良上之公廉。難必。將或有通同爲計。以勢拘民於役。而領虛於官。銀未必實給矣。是民供輸於先。奔驅於後。乃重役也。

害二、人情家重則身重。無家則身且不恤，而何後害之憂。竊惟應募雜無籍之人，事迫多脫逃之累，鞭笞必煩矣。非然也。凡役非一類，有利者，亦有害者。又有害之甚，至破家積禍者。利者爭爲之應，將求之不暇，而實多僥倖之思。受害者必苦推辭，且不肯效忠。至萌苟且之慮。害三、夫事必宜於人情，而酌于却慮。語曰：利不十，不變法。故均徭派入秋糧，殆非經常之道也。

漕渠議

漕渠

嘉靖間，山東諸泉半竭，黃流耗減，漕途闕澁，顧泉源

總之徂徠等七十二派。麗鉅野。陽穀。諸邑。攷之永樂

蕭皇帝。魏新河。一。朝皇帝開湖。

中金純濟引濟漕。其經理甚悉。有安馬塲諸湖以聚

河漕渠之勢。以與永樂時大不同也。

水。有石口通源。諸閘以儲水。有挂劍柳堤。諸鋪以漕

水。有師家野豬諸壩以止水。澇淺有夫。監泉有官。迨

於今日。久弊滋。民或壅以爲利。網弛法玩。官或徂以

爲常。遂令泉源或散爲灌溉。或絕爲魚梁。而隔爲沼

沚。入漕河者。寧盡如昔耶。黃河分流之不至。蓋有繇

矣。張仲義云。黃河一石水。五斗泥。其濁而易闕。性也

姑論國朝。洪武河決原武。正統決滎陽。天順決開封。

弘治決張秋。正德決曹縣。又決孫家口。率數十年一變。益其泥濁。易沉。泥沉易積。積則流益緩。緩則積愈多。故屢淤屢洩。其勢然耳。况兗豫土性墳墟。易爲衝突。舍本流而趨異壑。夫何怪焉。今者徒舊黃河復故道。出泗州。南趨於淮。由是言之。泉非竭也。民爲之竭也。河非梗也。開爲之梗也。議者不察本末。務以奇論相高。近者議開別河。遠者欲漕於海。非無見也。然海運之說。有不可者五。以元史攷之。歲運之舟至千纜十七。則沒者十三矣。夫役卒敵非赤子。艘粟敵非民

內清海運各有利害言之者

皆育形當其時州府之耳

膏乃驅有生之民投必死之地。取可用之材。填不測之區。寧無惻然於心乎。不可一。尚書宋禮疏云。海運必用千料船。駕者百人。運米千石。若計河漕。則海船一可辦。河船十且運。卒少而鮮傾沒之患。以此相較。其不可二。元專海運。倭奴歲肆剽劫。必設瞭望之卒。備捍禦之兵。轉輾隄防。猶不獲免。國初設備倭指揮。亦爲海運。及改運會通。倭乃絕覬覦矣。此爲永鑒。其不可三。欲海運必濬利津膠萊河。爲停泊之所。屯寶蓋黑龍諸山。爲望瞭之計。今久堙再修。興役無已。與

其勞民而蹈危險。孰若修漕河。安故道之便。不可四。勝國倡亂。非士誠國珍等耶。皆潛托海運。貿販聚徒。爲東南患。以海爲憑。法不及禁。釀成禍亂。其不可五。夫海運詘。河運不得不通。河運專。泉源不可不滌。其爲計奈何。吁。難言也。史言宋開寶間。河決澶淵。防河司封郎中姚恕死死。知州杜審肇坐斥。失事之罰。其嚴如此。漢成帝時。王延世爲河隄使。隄成。爵關內侯。建武中。舉樂浪王景治河。從事諸臣。悉增秩加爵。舉職之賞。其優如此。夫賞罰所以勵世磨鈍也。舍是。唐



虞不能治。今督理諸臣自中丞曹郎而下皆視爲養望息勞之所而不切軫時耗國之憂去歲漕涸敕遣侍郎諸臣臨視講求經畫但聞所至搜索供億民不能支每一官隨從千人未及展一籌夏水驟發漕舟無阻諸臣乃竊以爲功噫泉源未必竭而時有時竭水至自有時而民怨無時今欲上不煩宵旰中不失漕期下不困閭閻其要在得泉耳欲泉之盈匪有他河之論奇其要在無分泉耳分有盡之源供無窮之用豪民擅其利國計當其虛第能覈而清之則地中之蓄滔

長添以北諸泉皆爲漕用徐文定故有費水壞

滔不匱。漕渠漸盈。國課日克。必也。復永樂之制乎。積  
水減水之閘。在支流。不可不修。挑淺撈淺之夫。在占  
役。不容不覈。非得實心爲國任怨之臣。不可矣。若滌  
河之術。古來無憑。千百其宜者有二焉。宋李公義鐵  
龍爪揚泥車。其一也。河閘在泥。以鐵爲爪。繫舟尾而  
行。急權乘流。聯翩而下。沙動水衝。深可數尺。此去閘  
土之法也。晉梁文矩督人戶守堤。其一也。文矩請于  
夾河人戶。免其糧役。點克堤長。秋水瀑漲。率人守之。  
欲潰則戢。欲塞則疏。各限區里。官爲巡緝。若工大則

量爲之助。偷情者罰。此防河濬之法也。又稽先正所建議矣。夫順間中丞賈銓濬黃沁二河。都事金景輝奏安山北抵臨清。二百五十餘里。止一沁水。雨少脉細。遂致淺澁。其水城北陳橋。原有沁河故道。長垣歷鉅野。出會通河。合汶以下臨清。此道舟通往來。止陳橋迤西三十里。淺狹耳。濬之深濶。以入運河。是沁水南出呂梁。濟徐州以下。又北出安山。濟臨清以下。非惟運船可由小浮橋。以達陳橋。且免濟寧一帶閘座擠留之險。又高皇帝用兵梁晉。使徐中山開塌場。

口入於泗以通運道。後因河口壅塞。乃修師家石佛諸閘。以出濟寧。夫開塌塲口。卽引沁水也。然不用沁水而從濟寧。何也。蓋出濟寧道。徑也。由陳橋達臨清道。迂也。然濟寧雖徑。而中高天井諸閘。一啟水則立涸。艘運爲艱。陳橋雖迂。徐行安達。此實可行之。今而甚利者。且又國初之遺迹。而裨漕之便計。幸鑒裁焉。

論

邊論 九邊形勢

考職方氏京師之東古會州地。設大寧都司營州等

衛東連遼陽，西控宣府，以爲外邊。又起古北口，至山海關，關隘修葺，封守櫛北，以爲內邊。外邊捍禦，內邊拱護，此遼陽宣府之勢合。寔重京師之深意也。大同之東，有天城陽和，西有偏頭鴈門，北有大邊，內有二邊，高山聚落等五堡，分據其間，以爲應援，不示之隙。是大同地雖散漫，而防守之執常合也。榆林寧夏卽古朔方地，張仁愿築三受降城，拒河外爲守。國初定制，榆林兵出戍東勝州之北，寧夏兵瞭出賀蘭山後，是其執合而未散也。甘肅古河西四郡，漢武開拓之。

以斷匈奴右臂。國初嘗封元遺孽爲忠順王。主哈密之地。立赤斤。蒙古入衛。翼忠順之勢。右抗西番。前遏北狄。以奠枕甘肅。意在以夷禦夷。蓋西北一要區也。吁。邊隅之勢。合則國強。國初之稱強。惟勢合耳。東自遼陽。數千里而西。以至甘肅。哈密。皆爲內地。誠有如一家然。墻墉與圉。無偏重也。如一身然。氣脈膚革。無痿痺也。今顧有可慨者。自兀良哈內附。割大寧。營州。全鎮與之。卽今朵顏三衛之地。而遼陽以東。聲援阻矣。宣德中。退守獨石。而開平與和衝要之地。棄爲虜。

巢昔所置八驛。盡爲甌脫。而宣府以北。聲援絕矣。大  
邊失守。二邊復弃。致五堡不築。宣寧不屯。因而兵驕  
殺將。紀律無嚴。大同聲援弛矣。又東勝撤而榆林邊  
牆迂遠。東起黃甫川。西至定邊營。綿亘一千二百餘  
里。連墩鉤堡。橫截河套之南。而榆林聲援散矣。且總  
兵抗雄失利。趙瑛再劔。虜遂出入河套。往來甘涼。每  
繞出賀蘭山前。無復避忌。旣而王瓊廢鎮遠關。修平  
虜城。棄地八十餘里。而寧夏之聲援又虛矣。自忠順  
王罕也失柄。其母擅事土魯番。縱橫搶攘。而哈密不

守安定等衛。又破滅于海西。諸夷遺族。皆逃避山谷。不能復振。甘肅之聲援。又危矣。方國家盛時。要害全控於中華。封守復嚴於法令。勢固兵雄。正如常山之蛇。首尾相應。幕南無庭。夷虜安得肆其出沒哉。及今四顧邊境。日久日削。要害之區。不能什半。而廟堂碩畫。似又不暇遠計。夫肩背者。丘瓊臺不云乎。夷處我之腹心。我處夷之支徼。夫是以血脉不貫。而虜氣日驕。勢烏得合。而禦烏得堅乎。加以將非其人。備非其預。奇謀誰展。決勝靡由。吾恐吉囊雖斃。俺答復猖。未



可高枕而卧也

鹽法論 鹽法

鹽曷為法也。藉足國也。鹽曷為足國也。國耗在邊。而邊之陸輓甚難。故假鹽之利以召商。藉商之力以儲

粟。積商之粟以實邊。邊可足也。然商猶昔也。鹽猶昔

也。而邊每患不足者何。是法之弊也。法曷弊也。其始

兩淮疏理鹽法袁公亦云鹽以法名嘗有制度必

也。起於司農之變法。其既也。壞於權勢之爭利。其卒

也。加以餘鹽之大行。夫鹽之有法。國初所定。酌議既

審。公私兩利。歷世遵之不改者也。故商或資粟赴各

邊輸納。或自墾邊壤以積粟。此鹽之爲利。而邊所由無乏也。弘治中有淮人長司度部商。多其鄉人親故。

此淮人長司度者乃崇洪也

因奏更舊法。第令輸銀於京。分送各邊。自糴折銀較舊爲增。得引比粟甚易。於是一遇凶歲。邊粟如珠矣。既而劉瑾并革送銀。邊人更無糴本。遂多餓死。此商賈不通之始也。正德時勳戚椒房之家。倚勢擅利。而商之無力者。中納不行。乃羣附勢家。賣其引。冒其名。執家分其利。而商之得微矣。間有一二得中納者。取鹽於各場。勢家先取足。而無力者坐視。此商賈不通。

之再也。而操柄者。又隨時規利。恐商人夾帶羨鹽。利歸其手。建議公賣餘鹽。徵其價值。每引或至百餘斤。餘鹽盛行。而正鹽反壅。此商賈不通之。又再也。况今各邊屯種之政廢。而粟粒芻束之運艱。度支空缺。之用多。而誅求取盈之令下。勢家且為歛迹。而商賈益病矣。為今之計。第使鹽引仍徵粟。即商鴛邊。商鴛邊而田之墾闢必多。使邊方各屯種。則本色贏。本色贏而商之中納亦便。不待司農出銀以糴。而邊自可饒。且引勿增。而餘鹽祇支正額。則商之貿易利。而正鹽

自通。又司農酌權宜變通之術。令各場照民間田稅例。便其生理。蓋民田或本色。或折色。第取其原定之額。羨粟任其所用。莫之禁也。惟場竈既取歲徵之價。又禁其通販。故鹽之行愈難。遂至千百爲徒。駕船執械。突行拒捕。屢見告矣。非惟不爲公家之利。抑且貽地方之害。釀爲禍萌。莫甚於此。今爲兩利。設若使見丁徵銀。隨地辦課。照之民賦。而羨鹽任其他買。則戶與商俱得。上不廢官之取。下不壅民之資。乃人情之至便。而公法所宜寬也。夫鹽一也。中引不以粟以銀。

兩准人云七錢五分之額。今又漸增。可謂重。

則邊無藏粟而邊地病煎戶徵其課禁其貿則途有  
違奸而內地亦病國家利藪化爲弊區其惟復收粟  
之故制則不勸之耕而以商積粟邊無虞匱矣通自  
買之一途則各利其利公無乏課竈無匿奸矣今也  
網紀不張而法網太密以囊金易引何苦遠耕且下  
戶肩挑尚恐白歛此其利害粲若指掌故得縷指而  
竊較之

記

修捍海塘記

嘉靖庚戌春，浙西海鹽捍海塘以颶風崩圯，維時督水使者蜀胡公以職事來巡，郡丞任君吾鹽令張君胥會相與咨嗟曰：涓涓不塞，將爲江河，况海百川之匯，滔天之洪溝者哉！且茲塘高，實與邑城等，無塘是無邑，自邑而往而嘉而蘇常，皆汗下受浸，塘不亟築，患獨在鹽乎哉！乃得請於先巡按王公，令林公兩柱史皆急民之患，率作惟殷，而監視則郡倅鄧君節推殷君，其百費於張令取辦焉。外壘石塘以障怒濤之衝，內填土塘以防激齒之驟，由是鹵不及田，田可望。

稼矣。或曰：茲役蓋有五善焉。先年聚役夫於塘，率羣  
猶影射。今分官視工，所轄者少。易察難匿，祛弊也。先  
一石擎六椿爲大疏。今益其二椿，以尺度之。圍一表  
八壯基也。石犬牙相舐，跨縫乎罅，理密而堅，潮不得  
滲。固表也。民每歲塘夫課銀，儲之于庫。鳩役間左，量  
數分給，如顧募然。受直停勺，民相勸趨，得人也。每八  
月潮汛特盛，怒湧兼天。適茲興作，潮縮而殺，得天也。  
是皆胡公措置者密，感通者神，而郡伯劉公暨張令  
君寔相之也。嘗攷吾鹽自十八閘淪沒，唐開元中始

築塘捍潮。宋嘉定中，史言潮衝鹽官平野，二十餘里。

此地有三十六沙，成塘易沒。

元大德中，潮嚙海鹽沙岸，敕異人張與材投鐵符鎮

治。入國朝，洪武中海嘯，淪田一千九百餘頃，鹽民泚

允濟，走關下請築，始用石矣。永樂三年，通政趙居任

築。九年，保定侯孟瑛築。宣德四年，侍郎周忱築，皆敕

使也。役民槩及蘇常等七郡。正統以來，或郡守或臬

憲，或藩參官無定員，則守土臣也。其役民亦祇用我

嘉七邑之力。正德中，易以水部郎。今皇上乃專設

僉憲職水利，則勢親易運，職專思確，况銓部重東南



海思擇宿望如胡公而又率以廉勤佐以諸材諧乎  
令且議開裏河取土可以實塘因河可以運石又命  
石戶歲採而時輸之以備緩急皆利民防患嘉猷也  
當書之以爲後則

皇明經世文編卷之二百十六

陳子龍臥子 宋徵璧尚木

華亭

徐孚遠闇公 彭 賓燕又

選輯

吳祖錫佩遠參閱

蘇司馬奏議

蘇 佑

巡撫疏草

預擬分布人馬以禦虜患疏

防守內三關

照得虜馬入寇常在秋高計月之期每數月圓今年

近者兩千奴寇

閏月或以六月即為七月二十一年六月入寇山西

亦其時証。臣今閱視諸關。備采衆議。倒馬。紫荆。最爲緊要。蓋二關山勢雖稱險絕。中有河流。山形糾亂。各該隘口。隨險分兵。勢分力弱。恐難持久。且外恃宜大。特角。勢又在人。密邇京師。易爲震動。此其緊要之大畧也。若夫龍泉之守。外有平刑。故關之衝。必由雁塞。距其地理。平刑至龍泉。不下三百餘里。山勢聯絡。中鮮民居。搶掠無以爲藉。食之資。險阻必困。踣恃長之騎。以此爭鋒。非計之得。兵有勝筭。必我之利也。山西二關。萬一可入。澤潞汾沁。足以四馳。而謂東犯太行。

之地以當守險之兵。勢旣紆回。時應馳閣。虜人狡黠。志在搶掠。或不出此。又况山西連年修守。俱有次第。似可無虞乎。龍泉故關。緊要次之。此其大畧也。查得先奉欽依。修築牆塹。近該臣查勘完者。已十之九。其不完者。計以六月之中。俱可報完。守有依憑。若無人拒列。金城湯池。有不可恃。爲固者。况區區牆塹乎。故常守之外。酌量險易。加之防守之兵。若徒拘于守。勢分力弱。有難可恃以久者。爰分撥將領。相以地形。責以應援之効。謀協衆議。亦已僉同。不敢自專。以誤任

使臣之責也。查得本年三月十八日前巡撫都御史鄭重已咨行總督侍郎翁萬達于宣府鎮摘撥兵馬三千、在舊保安州岔道堡駐劄、專應援馬水口、再摘撥大同鎮人馬三千、在平刑關駐劄、專應援吳王口、仍摘撥別鎮人馬三千、在廣昌縣駐劄、專應援浮圖峪、插箭嶺等處、但臣查得舊保安州桃花堡、比與岔道堡相去馬水口尤近、相應改移駐劄、應援。又查得白羊口與臣所屬地方相近、計去京師路實咫尺、勢尤緊要、亦須周防、亦當添兵以防意外之患。如蒙勅

下兵部再加查議上請更乞 天語丁寧宣大將臣  
并行總督撫各臣查准咨議施行

審度兵勢虜情預擬督調戰守以成安攘疏

虜情

查得連年徵調延綏寧固遼東等處客兵嘉靖二十  
一年共十枝以後俱六枝四枝應援宣大二十八年  
延保二枝老營堡一枝大同一枝二十九年延綏保  
定遼東共四枝俱應援宣府蓋重宣府也重宣府者  
重京師也近准兵部咨爲陳戰守除虜患以振國威  
事該京營總兵官太子太保咸寧侯仇鸞題本部覆

議各兵應援當視虜情緩急以爲先後若京師有警則宣大爲輕京師無警則宣大爲重延綏遊兵徵調宣大應援係節年故事今使赴調京師路由宣大亦不相左而况駐劄宣大以聽京師調用實有兩便合行宣大總督官預將此兵量布儘東隆永滴水崖以便京師調用等因題奉欽依備咨前來周謀詳論固已籌筭無遺臣竊惟兵不預圖無以應戰守探不真實無以中机宜若使探報既真則後發先至自可以奪虜之心彼此不失自可以投机之會是徵兵在先

而探報貴審。則兵爲有用。虜不足平矣。查得虜患節年侵犯。如在山西。則急山西。在大同。則急大同。在宣府。則急宣府。如今年在薊州。則又當急薊州。信矣。然俺答諸部落。實在宣大之間。套虜聯合而入。亦不能越度宣大。倘有侵犯。東行必先大同。次宣府。次薊州。探虜情之真者。必先大同。次宣府。次薊州。近御史胡宗憲奏稱。探報虜營。大同得其情。宣府得其形。薊州因魔問病。不足憑矣。固以虜巢在西北。大同有大邊。宣府無大邊。薊州借聽于屬夷。自有不同。該部覆奉。



欽依如擬施行。則是探報者固當責之各鎮。務得真情。庶向往有期。督發無悞。東西咸中。犄角可憑。實兵家之首事也。且諸鎮雖皆虜衝。而宣府逼近京師。實爲緊要。薊州正當畿甸。尤切腹心。審重度輕。則防禦之兵。似當先薊州而後宣府。然虜有所由入。兵有所由會。審机度勢。則防禦之兵。又當先宣府而後薊州。何也。薊州宣府。雖俱京師後門。宣府在西。與虜隣近。其所由入。可以探知。整兵防禦。其所由會。亦屬樞鈐。各路王客兵馬。督調應援。不悞哨探。心志旣一。勢力

亦均倘犯宣大。庚戌虜自可追逐。能薊門入故當情急在薊若犯薊州。一關之限。聞警

門然先是宣大虜報求打大將軍務師備居虜矣

疾馳。稽日計程。不失笑應。臣愚謂備宣府可應薊州

備薊州則不能應宣府。此兵勢也。探報可憑。則防守

不失。若止聽屬夷講張相誘。利在犒勞。妄報虜情。不

審聽聞。卽預徵調。關門甫度。虜遂乘虛。則宣府入寇

之路。有誰堵遏。不無顧此失彼。重致憑陵。臣愚謂探

報防禦。必先宣大而後薊州。此兵機也。較之常歲。虜

之侵犯。多在秋高。其餘時月。縱有警傳。亦止近塞。天

寒地凍。已難馳騁。至于深入。尤所未能。蓋虜之衝突

全藉馬力。草枯廔損。可少解嚴。方宜休養兵騎。以待  
征調。若不審時量地。聽憑虛唱。不惟調遣不時。致增  
外患。屯兵日久。亦將內疲。是亦兵之忌也。竊料虜賊  
驕貪。理當覆滅。似不可拘守故常。使機事或成。牽制  
臣愚謂宜行各邊。如賊無侵犯。不許貪圖小利。以起  
釁端。但加防禦。戒嚴無墮賊計。如果不逞。侵犯地方。  
犄角勦除。以慰西顧。仍酌量擬精騎。以備搜搗。至如  
套虜過河。則全陝兵馬。先得探報。大加搜搗。虜雖犬  
豕。亦重室家。豈敢長驅而無內顧。兵法曰。攻其所必

救此亦齊人救韓直走大梁之說。是亦兵之奇也。昔人謂醜虜雖衆，不當漢一大縣，今縱倍之，封疆萬里，豈遽稱難，近日捧讀 聖諭，加意戎師，兵克糧足，允服廟筭，祇誦三復，敵愾溢衷，臣愚又謂時當全勝，事貴早圖，欲張兵威，以奪虜氣，須大破常格，多發帑銀，委任戶部重臣，添買芻粟，議行九鎮，火簡精銳，聲言衛護京師，相機委諸閫外。秋高馬肥，乘我有時，肆驕利貪，彼豈無隙。然用兵貴精，制勝在謀。將見幕南可空，名王可虜。雖所費不貲，然一勞永逸，將在此舉，昔

此方有出於之講故耳

管仲霸齊、乃作內政、寄軍令、蓋亦機事貴密、兵道尚  
詭、斯尤臣愚惓惓之朴忠也。若使連年備虜、縱有斬  
獲、不過零騎、得不補亡、虜何挫衄、日復一日、未見所  
終、試以近事、一半所費、總括其數、召大司農以所積  
貯徵解、亦總括其數、量入爲出、將恐日益不足、臣之  
私憂、殊忘食寢、諺云、耕當問僕、織當問婢、豈僕婢之  
鄙、固賢諸他人、亦惟專且習耳、臣待罪邊方、叨任總  
督、似有一得、輒敢上陳、如蒙 皇上軫念虜患日深、  
謀事貴預、勅下戶兵二部、會集廷臣、從長計議、速爲

題請宸斷施行邊疆幸甚臣愚幸甚

接報夷情疏

北虜開市

議照醜虜逆天犯順震驚畿輔今者復屢以求貢爲  
請職伏思之虜情叵測變態多端難以悉數據其踪  
跡探其委曲約有數說蓋聞我皇上赫然震怒爰  
整六師行欲出塞問罪以洩神人之憤天威遠播遐  
荒畏威此其一也比者歸正人來傳說醜虜自昨犯  
順歸巢人畜多見死亡天心悔禍虜罪貫盈之象虜  
雖犬羊亦有知覺能不惕然畏禍乎茲因悔罪又其

一也、且我中國貨物、虜所甚利、搶掠則利、散諸部落、求貢則利、歸于酋首、其貪利者、又其一也、虜中小王子者、俺荅之姪也、俺荅築鰲鈴制漠北諸部落、漸不聽小王子約束、然亦一部落之雄耳、而猶有其姪歷于其上、乃陰慕東夷朶顏等衛、歸順內附、官爵之顯、榮衣服之華麗、意望我皇上比例加授於焉、誇耀于諸部落中、而欲與小王子爭雄長、此慕名者、又其一也、夫職之愚見、虜之求貢、雖云有此四者、職等復恐虜情詭譎、難以遽憑、通事欺隱、不可輕信、故多方

譚審參伍以前後之人，屢次哨探，証驗其彼此之詞，不敢以一次一人一時之言，卽爲憑據。參看張福許伯達等齊來畚文，與其所供，大畧相同。雖似有款誠之意，而往來順逆之言，前後反覆不一，蓋醜虜犬羊也。性本驕狂，禮難責備，得其善言不足爲善，惡言不足爲怒。在虜則險詐難測，在我則駕馭有定。職以爲求貢之初，其誠與詐，似不必深究。許貢之後，其順與逆亦難以逆睹。何也？蓋虜之求貢也，其詞爲順，而朝廷之許其進貢于義則正，况貢亦備，不貢亦備者。

款塞責志于應允不知善後耳

嘉靖許市亦非失策但仇鸞由道欲以一



乃中國思患預防之常。未嘗因虜之其言卑詞而緩我戒備。使其誠也。既在我。皇上天覆地載之中。如其詐也。亦不能出籠絡羈縻之內。故曰誠懷詐不必深究者。此也。既貢之後。虜仰窺我。皇上威武不殺。威靈丕振。將必終始慕來王之義效。歛塞之誠矣。但其部落不一。譎詐無常。異日或肆無厭之求。發難從之請。以起釁端。以開邊隙。亦未可保者。故曰順與逆。難以逆觀者。此也。蓋在我者。必先自治。而在虜者。以不治治之。自古御夷狄之常道也。緘惟爲今日之計。

當外示羈縻之術，內修戰守之務。若求貢之事，決不可輕信而遽許之。以遂彼之好，亦不可逆詐而峻絕之，以激彼之怨。但虜復惓惓以宣大陝西各邊通行開立馬市買賣馬、騾、牛、羊爲言，伏望皇上勅下兵部查探遼東聲息。如果前賊三萬侵犯是實，是與其開市求貢之說事已相左。當俟廟筭計會另行，非臆等所敢遽擬。如不曾侵犯遼東，仍乞勅下廷臣會同詳議開市馬市有無利便，叅酌歸一，請自聖裁。遵奉施行。如蒙皇上准令各邊通開馬市，一可分散

後來

時則西結西中則東各各不能各邊皆市也

各部落之勢。一可誘結各部落之心。今春及秋。或一二年間。虜賊不來侵犯。方可將進貢之事。另爲議處。奏請。如此。既足尊我中國正大之體。亦不孤外夷納款之心。或既開馬市之後。虜賊外示效順。內復懷妖。于春暖草青之時。秋高月明之候。仍來侵犯。則我邊兵糧。自爾照常提備。未嘗因開馬市。遽敢玩弛。或戰或守。俱不相妨。于計亦未爲失也。

陳時弊度虜情宜大錢糧以保治安疏

宣大錢糧

看得宣大二鎮地方逼近沙漠土瘠人貧百無所產

乞勅禮兵工三部另議請發銀兩以給各鎮買補擦馬并驛遞馬驟草粮草料及各宗室冠服房墳祭價等項應用庶公務不致偏廢而邊臣亦得少盡職矣

皇明經世文編卷之二百十七

陳子龍臥子 宋徵璧尚木

華亭

選輯

徐孚遠闇公 彭 賓燕又

唐允諧尹季參閱

鄭端簡公文集

鄭 曉

疏

重大倭寇乞處錢糧疏

倭寇

照得倭寇連年侵犯 中國、蓋南自閩浙、北至登萊、皆被其害、而江南蘇松杭嘉等府、田賦甲於天下、江

北揚州通泰等處。鹽課甲於天下。今皆屢經劫掠。焚燒之禍。農人釋耒。鹽丁罷甕。阻誤漕運。虧損錢糧。若不聚兵調食。大爲經理。將來患害。何所底極。此非特東南數郡之憂。關係國家大計。及今不捐銀數十萬。急爲整備。恐他日所失。要不止于數百萬而已。此臣爲財賦而言。至于人民荼毒。閭井蕭條。就使生養休息。不十餘年。未得復舊。興言及此。實切憂懼。再照倭寇侵犯。其中類多福建浙江并江南江北直隸之人。或姦豪射利之徒。或勇悍無聊之衆。齎糧漏師。肆

倭之入。兇皆以內地奸民勾引

無忌憚。結黨效尤。苟活旦夕。若不早爲區處。日甚一日。其禍不啻烈於戎狄而已。伏望 皇上軫念地方重務。乞 勅該部從長計議。大破常格。捐發官銀數十萬兩。收貯府庫。聽候打造海船。脩築城堡。募兵買馬。積糧蓄草。以備軍前緩急應用。其被害民竈。照例優恤。寬減糧差數年。以蘇困苦。再乞 勅該部將福建浙江并江南江北地方通番從賊者。作何處治。庶幾外有爪牙之衛。內無腹心之憂。田賦鹽課。要緊地方。得保無虞矣。

復設江南管河官及參究違誤運務官疏

河運

議照今歲漕運糧斛除江北河南山東起運外查得江西湖廣等處先後相繼陸續過淮惟浙江杭嘉湖三府直隸蘇松常鎮四府歲運漕儲并白糧糙糧米二百餘萬石必繇奔牛呂城丹陽黃泥壩等處始達鎮江京口闡出江先年遇有淺阻或繇孟瀆河外江分進每有風波之險盜賊之虞嘉靖二十九年寧波衛指揮王承恩被劫可鑒近來倭奴未靖孟瀆河江海之交正賊寇出沒之處尤宜預防以此漕司具



奏擬行江南巡撫嚴督常鎮二府并該縣掌印管河水利等官將前河道不拘年限但有淤淺處所即便起夫疏濬封閘蓄水以待糧運每年終將府縣管河官職名疏通過河道緣繇申報漕司查考俱載入議單永爲遵守等因題奉 欽依節行去後案候通無一字回報又經五次移咨江南巡撫督催節據把總等官張建節等各呈稱完完糧米於三月初五等日陸續押發開行已過無錫地方見阻丹陽丹徒七里溝等處守淺不得通行即今三月過半未見興工挑

空實為阻誤等因到臣及諮詢南來公差官員各稱

載糧民船阻集數千隻相沿數十餘里不能前進為

論運之新舊○水○其○明○

照漕運連年遲誤蓋緣坐失天時復違地利所致若

季春初夏北水漸平河道無阻軍船過淮數日可達

所○以○致○清○運○

兩洪今首先被阻江南坐守餘月及至河開有水黃

○者○又○坐○此○也○故○過○淮○不○可○不○速○

河又漸泛溢縱加催併勢難取速安得不誤運事直

至四月初十日鎮江府方報河開通船已自遲誤比

叅將黃印駐劄瓜洲差人看驗鎮江一帶尚難行舟

南北通津人所共見豈能撥歸四月二十日浙江兩

司官員舟過揚州府亦言鎮江河道不能行舟得運軍三四百人撻拽方得出關重運糧船勢難前進似此怠誤法當參究緣查取職名未到有礙施行再照前項河道先年原設有水利工部郎中一員專管浙西直抵鎮江一帶河道及修理海塘白茅港三江口等處如郎中林文沛在任之時水利修舉運河疏通公私稱便後議裁革決塞不時旱澇無備田禾失利漕渠遂湮深爲未便况今倭寇生發蘇松杭嘉節有聲息燒燬糧船另行查報萬一姦細嚮導窺伺鎮江

運河阻塞爲患不小乞 勅戶工二部再加詳議合  
無查照舊規於前項地方復差工部郎中一員往來  
督理庶克有濟仍乞 勅下該部通查該府縣各掌  
印管河官員不分在任離任但係三十三年正月至  
四月在府管事者嚴行提問庶儆將來

得旨河道郎中不必添設各官不行開濬者都着  
查明拿問

乞收武勇亟議招撫以消賊黨疏

收拔  
武勇

題爲懇乞 天恩廣收武勇亟議招撫以消賊黨事

臣原籍浙西，叨役江北，切見倭寇類多中國之人。

間有膂力膽氣謀畧可用者，往往為賊灑路踏白，設

伏張疑，陸營水寨，據我險要，聲東擊西，知我虛實，以

故數年之內，地方被其殘破，至今未得殄滅，緣此輩

皆麤豪勇悍之徒，本無致身之階，又乏資身之策，苟

無恒心，豈甘啄息，欲求快意，必至鴟張，是以忍棄故

鄉，番從異類，倭奴藉華人為耳目，華人藉倭奴為爪

牙，彼此依附，出沒海島，倏忽千里，莫可蹤跡，况華夷

之貨往來相易，其有無之間，貴賤頓異，行者逾旬而

通市務于內○寇○其○來○有○漸○

倭○奴○深○思○蓋○以○此○輩○引○

始于

操倍蓰之贏。居者倚門而獲牙行之利。今欲一切斷

絕。竟致百計交通。利孔既塞。亂源遂開。驅扇誘引。徒

衆日增。若不包荒含垢。早為區處。竊恐腹心之憂。貽

害不小。今之議者。一則曰復市。一則曰嚴誅。剿

便。夫各路之軍。威未振。羣賊之懲。割未深。而即復市

舶。恐非國家御夷之體。倭奴所殘。既皆我之良善。

官兵所殺。又多我之逋逃。而必嚴誅。剿亦非所以仰

承朝廷好生之德。臣愚無知。欲乞聖明。廣收武

此段

勇。容令各處撫按。於軍民白衣人中。每年查舉。素有

得之蘇子瞻論京軍刑罰列下

膂力膽畧知謀者十數人。授以義勇官名色。每月給食米一石。令其無事。率人捕盜。有事領兵殺賊。立有功勞。量擬官職。奏請陞授。若從文階。則授試巡簡。或從武階。則授試所鎮撫。循資叙遷。定給俸糧。止許捕盜殺賊。不得經收錢糧。接理詞訟。仍照文武官員事例。考察考選。有犯依律照例問罪。如此則片善寸長。皆霑斗食。暴夫悍卒。漸受條籠。不惟中國之人。不為盜用。數年之後。未必無將材出於其中也。其見此今須行使為惡者有反顧之心。

今從賊者亦乞天恩浩蕩。特降黃榜招撫。赦

宥許令歸降。送還鄉土。其間如有擒斬賊徒者。照例給賞。其才力可用。情願報效者。亦就隨宜委用。隔別地方立功贖罪。候有勞績。照前叙遷。不然恐數年之後。或有如盧循孫恩黃巢王仙芝者。益至滋蔓。遽難撲滅矣。臣又聞洪武年間。倭奴數寇東南。傍海州縣。其時浙江一省。既遣信國公湯和築城。又遣衛國公徐輝祖江陰侯吳高練兵。又遣都督商嵩楊文劉德出戰。又遣都督於顯出海巡倭。此皆上公元侯謀臣宿將。猶且遲之數年。未得寧息。復遣南雄侯趙庸招。



撫沿海漁丁。島人鹽徒。蠶戶籍為水軍。至數萬人。又

遣萊州府同知趙秩禮部員外郎呂淵宣諭倭奴

迫至洪武二十五年以後而海上始得安靖則凡可

以解散賊黨者宜亟為議處也。或謂臣職在用兵不

得言招撫事。竊念臣待罪海防。官以巡撫為名。凡盜

賊應剿應撫。自合條畫奏聞。恭候聖裁。臣愚無

知言似迂濶而頗關政體事若駭異而或近人情乞

勅該部詳議。如果臣言可采。再乞斟酌擬議。上

請定奪施行。賊黨漸可解散。東南財賦重地庶有

息肩之日臣愚幸甚地方幸甚

部覆各該撫按官於白衣中每年查舉有膽力智  
謀者十數人授以義勇名色每月給米一石令其  
捕盜有功量擬官職從賊欲歸土及殺賊來降照  
例給賞得旨俱依擬

添設官員疏

添設  
同知

題爲比例添設官員以安地方事准提督操江兼管  
巡江都御史史褒善會稿業查近據揚州府申報倭  
寇千餘攻圍通州流劫如臯泰興地界及蘇州府申

報倭寇攻圍太倉崑山將至府城等因竊照揚州府當南北水陸之衝建治於淮南江北之間其郡最巨蓋與江南蘇松等府可以比隆焉蘇松俱設有同知二員以一員分理郡事一員專管巡捕而揚州原未議設是誠缺人廢事不可不因事建官以資化理也

此間形勢甚為要地但所重不在設

官耳

况該府所屬附郭江都縣瓜洲鎮坐枕大江北岸正與鎮江府對峙其地之相去也離南京一百二十餘里離揚州四十餘里且其人煙輻輳舟楫往來加以盜賊無籍之徒隱伏於其間又無城郭以障衛之故

先年兵部題 准事例該府同知不妨原務駐劄瓜州兼管沿江一帶巡捕時常操練壯快遇警緝捕盜賊此固一時權宜借才求治之義也然而地當衝要事務叢挫各衙門委勘甚多是以奔走往來自難停駐若遇江上有警遂至整理無素追呼不前多至誤事今照倭寇竊發極於蘇松連及通泰本處調兵防禦歲無虛日而用人圖治尤當首事建議者也臣會同提督操江都御史史瓌善巡按直隸監察御史李逢時竊欲比照蘇松二府除正員同知專一清軍協

理府事外，添設同知一員，遵照原議常川在於瓜州舊有府館衙門駐劄。令整飭該鎮兵夫，監造巡哨船隻，會合該衛巡江官員演習水戰，兼管所屬一帶江面，上接儀真，下抵狼山，緝捕鹽盜。如有海寇入江，督兵追剿，以靖江洋。此誠分職供事之義，弭盜安民之策，或不可緩也。

部覆添設同知一員，得旨依擬。

定議江南江北兵糧疏

江南江北兵糧

臣會同巡按直隸監察御史李逢時議照江北四府

三州連年飢饉雖蒙 聖恩蠲賑及今臣等竭力撫  
綏未見寧輯去歲逆賊師尚詔竊發今年通州等處  
倭寇焚劫調遣徐亳邳宿等處官兵剿捕各給招募  
安家盤纏銀兩隨途應付行糧草料皆取給于四府  
三州庫藏空虛里甲困敝已自不堪近遽虛鳳徐沛  
蕭碭泗亳等府州縣節申江南防禦倭寇屢蒙上司  
明文責令挑選兵快多寡不等各要量給盤纏差官  
管領至江南等處聽候遣用沿途有司支給行糧等  
因到臣臣因賊情緊急當即批行依文荅應所費錢

糧難以悉數只如無錫之富庶奚啻百倍於沛縣今

此說正論江南調兵于江北不宜復費江北資糧。

調沛人以守無錫又令沛縣出辦安家銀一百二兩

也

自沛至瓜洲經行江北一千五百餘里所過又皆出

辦行糧江北地方豈堪此等勞費臣曾備咨總督衙

凡有調遣自備行糧既無騷擾地

門定示規則要令江南調江北之兵自備錢糧給與

方之區又使統兵將官易于鈴轄

盤纏并隨途糧草應用其召募去處并經過有司免

其責辦臣又節查先年浙江江南巡撫等衙門差官

前來江北召募驍勇俱係自備銀兩前到所擬地方

顧募合用盤纏行糧俱帶領前來給散惟近日調取

江北兵快不下三千餘人。錢糧一切取辦於江北。通計不下銀萬兩。夫既役江北之人。復竭江北之財。是江北四府三州兼江南之徭賦矣。即今鳳淮等處修理皇陵。蓋造高牆。建閘濬河。摻括已盡。不惟有司幹辦不前。民間亦甚騷擾。此江南江北錢糧議處者也。再照倭寇之內。華人所居七八類多姦狡。知我水陸險易。地里遠近。將官強弱。軍兵多寡。謂蘇松在浙西。江北間以故。今春先犯蘇松。致使浙西叅將盧鏜。江北叅將解明道。各領兵策應。賊遂分投南北登岸。



搶劫遂至蘇松浙西江。北南北千里處處失利。蓋賊  
論舟行遲速甚為明暢船外洋乘風惟所向。頃刻可到。我兵策應必繇腹  
裏。道路迂遠。非決旬半月。必不能至。若江北兵赴江  
南。中隔大江。卒遇風波。又難預料。今宜沿海地方。各  
有守兵。各有援兵。守兵駐劄保障。賊至出戰。援兵酌  
量賊情。審度地勢。分布四五枝。如北邊遊擊事例。遇  
有緊急。往來策應。庶保無虞。據臣撫屬自海門以至  
海州。不啻千有餘里。萬一海州鹽城有警。通泰叅將  
梅希孔亦必不能舍通州而赴急。况敢越江而赴江。

南乎又如鳳陽泗州 陵寢高牆所在關係尤重。通  
州被圍之時。鳳泗雖有一畱守司十衛所官軍。又蒙

皇上軫念根本重地。發回京操官軍三千員名。臣

足以知近日之流寇之及陵寢所在。

並不曾敢調動一人一馬。蓋事體有輕重。自不敢顧

謂之度之失宜也。

彼而失此也。徐州雖有勁兵千餘。亦緣彼處自古號

為強悍。必須兵力彈壓。以此通州被圍之時。臣不得

已。調取徐兵六百名。一戰勝賊。即時發回。誠恐山東

此皆東地之奸。

河南交界去處。盜賊生發。須兵堵絕。一則近護運河

人之所窺。

一則遙防高牆故也。夫善守者必逸已而勞人。善戰

者必安內而攘外。今連年防倭，南京、浙江、江南等處，調募江北兵勇，先後不啻五千餘人。是防倭而不顧鳳泗、徐邳，恐亦非長策。萬一事出不測，臣何所逃罪。此江南江北軍旅所宜議處者也。臣本菲才，當此多事，日夕憂惶，豈敢偏執已見，自分彼此，竊念倭寇焚劫之禍，顯而易見，閭閻窮苦之變，隱而難知。小民至愚而神，即使役其力，用其財，均平齊一，彼亦無憾。若行以一切之法，少壯者既令其奔走於鋒鏑之間，老弱者又令其供億於徭賦之外，安能保其不有他變。

乎。况賊情難輯而易發。民心易動而難安。良善爲之驚疑。姦雄因而扇動。是海徼未寧而中原先敝矣。伏望皇上軫念江北地方。陵寢所在。乞勅該部從長計處。以後江南調兵江北。擬定規則。令其自備錢糧。給與盤纏。并隨途糧草應用。其召選去處。并經過有司。免其取辦供應。前項用過江北錢糧。亦不敢望其解還補庫。其調取江北官兵赴江南者。通不得過二千員名。原保守兵屯任信地者。亦不得調動。鳳泗徐邳。亦宜仍畱官兵防守。不得專意防倭。而不慮

及陵寢運道高牆及鄰境盜賊如此庶民財不致偏累事體不致偏重外患可憑而內憂可弭矣

乞預爲防禦疏

防禦倭寇

再照江北江南相去不遠通州與常熟縣相對三十里海門縣與崇明縣相對十八里即今常熟節經寇難崇明已被殘破而倭寇見今糾聚吳淞江口及八團四團者不下數千皆陸地置造房屋千數間水中聯絡舟船千數隻是皆數年積集之寇難責一時乎定之功若八團賊乘風至江北呂四場不過一日四

自北而南亦可例知近

宋史 卷之... 幸... 有方... 不敢... 匪... 匪... 匪...

團賊不過半日而江北兵船久住江南地方空虚殊

為可慮况使船難於使馬而舟師之練習甚艱主兵

便於客兵而烏合之徒製易散今賊徒水陸盤結有

備而我兵南北調遣乏人切恐姦謀叵測今冬未得

解散明春益復猖獗豈惟通泰海門如阜四州縣危

急萬一賊渡海而北則呂四等場皆有小徑可以越

通泰而直趨揚州溯江而西則狼山等處皆是長江

可以犯瓜儀而窺伺 畱甸如此則漕運阻絕江淮

震動矣臣待罪海防兼理漕務日夕憂惶計無所出

若專顧江南。不顧江北。即使江南安靖。而江北騷。憂方深也。即今賊少船寡。尚可支持。倘船多賊衆。何以待之。乞勅兵部再加詳議上。請行令總督軍務尚書兼右都御史張。將姜旦水軍。即便發回江北。休息一二月。以待明春賊至。遠行哨探防禦。仍於明春正二月間。再發健將精兵二千員。名前來江北。瓜儀駐劄。以防備漕運拱護。南京庶保無虞。地方幸甚。臣不勝幸甚。

瓜洲築城疏

瓜洲築城

題為懇乞 聖明築城瓜洲以保障地方事、先准總

督軍務尚書張 咨照得揚州府瓜洲地方、切近長

江、又密邇海口、人煙湊集、舟車萃止、運道經繇、南北

要地、近年倭賊深擾、若使繇海入江、瓜洲首當其患、

且原無城郭、可以衛民、又無垣墉、可以蓄衆、萬一有

警、非惟商民被害、抑於運道有妨、相應及時議處、庶

可保障、將來咨煩督同淮揚兵備道、行委揚州府知

府吳桂芳、親詣瓜洲、相度地利、必須形勢高敞、原隰

寬廣、於河道兩岸、築立營壘、二處、墻墉堅峻、中可容



衆數萬，仍開四門，并立營樓墩臺，以便瞭望，稍加城式，塼口戰格，將臺米倉，俱各齊備。平時議立叅將，或守備官員，量撥軍兵操練把守，以揚軍威。遇警拒戰，倉卒之間，民或奔走，可以依歸，似爲要衝切務。其在此時，尤當亟舉。又准操江都御史史咨稱瓜洲一鎮，切近留都，下接海口，人煙數多，中有五壩寶南北要害之地，原無城郭以障衛之。況今倭寇猖獗，動輒垂涎，以爲口實。蓋緣該鎮商賈輻輳，財貨堆集，所在繁華，易以誨盜，故也。近雖調兵防守，終非長策。若

不及時設置險固以防侵掠其於保障地方甚有未便已經揚州府查議相度該鎮應否修築城垣及動用工價銀兩作何處辦查得北虜入寇近年北直隸

山東河南地方俱經撫按行文所屬在於城市鄉村

多據鉅村少下城邑即知建城立堡為防禦大界

大鎮俱設城堡以固防守應合比照此例以建治之

但此地土埂一經風雨輒至圯壞須得甄石乃為經久通行申呈務於地方有益事體無礙方可施行去後該臣看得瓜洲地方扼江海而走徐揚控吳楚而屏畿甸實水陸孔道漕運要津且人煙稠密商賈

輻輳姦宄垂涎。急宜築城。已經議行揚州府知府吳桂芳公同同知唐鉞朱哀先後踏勘丈圍城基估計合用物料工食共銀二萬九千六百餘兩數目前來。所費亦不少耳看得吳桂芳所議瓜洲築城視海門如臯泰興三縣尤爲要重。及咨訪區畫俱已詳明。相應依擬。再照瓜洲雖江北地方。實南北津要。應用錢糧宜聽總督軍務衙門裁酌。均派江南江北各府協濟。庶工程易集。但恐江南倭寇猖獗。供億不貲。無暇及此。如蒙 皇上裁察。勅下該部加查議施行。

議變塘田奏築瓜城疏

議變塘田

該揚州府知府吳桂芳查得本塘築自前代蓋因地有蜀岡金匱等山環拱其北每遇大雨淋漓細流會集其中得以灌溉沿岸諸田此蓋前人築塘之本意也。國初改運裏河議以前塘蓄水專防河道淺涸則放洩塘水繇烏塔溝入河接濟運船然塘築於諸山之麓遇霖雨則暴流易集遇亢旱則塘水易涸蓋漕河居府城之東地勢頗下而輿寶應高郵邵伯白馬黃子赤岸諸湖相為流通水源頗遠前塘居府城

之西。地形高阜。且水出無源。一遇亢旱。比諸運河。輒先乾竭。况流渾久積。塘腹漲平。縱或聚水。不盈數尺。而實無益于漕河矣。故近塘之民。每每盜開成田。勢豪之家。往往資緣。討佃文移。日積訐訟。日繁。遂使姦請刑部。不聽。便致誤。詭生。覬覦之心。與併吞之計。今幸追奪還官。但此田俱屬膏腴。人所共慕。一聞仇讐事敗。各興苟得之心。故田數甫及。萬畝明文未至。而赴府告佃者。已紛紛矣。竊惟方今。國計空虛。江北災青。重大。開河所賑費。無所出。若將前田定價。召人承買。似于目前國計。

未必無少補於萬一。蓋前此塘田，不過召民佃種，每  
畝納銀二分五厘，歲入無幾。若照依時值變賣官資，  
其利而民樂於趨，此亦乘時拯災之一權也。到臣案  
照議，照得瓜洲築城，原議該用物料工食，共銀三萬  
九千有零。今據揚州府知府吳桂芳開議，一要將逆  
犯仇鸞原受投獻，今沒官塘田，照依時價召人承買，  
可得銀一萬五千兩。再照前項沒官塘田，雖預備接  
濟漕運，然高郵寶應諸湖，瀰漫有水之時，此塘高者  
皆爲稼穡之場，低者不過芟蒲之壑。若遇乾旱，諸湖

水猶未竭。而此塘已爲陸地矣。以故姦民獲利。即遇清查。輒便投獻。及至沒官。改正之後。該府擬欲召佃起租。未見允行。殆亦有爲。但與其聽姦雄違例受獻。附益私家。孰若許官司履畝佃耕。裨補公帑之爲愈也。况取管年備漕廢棄陂塘之田。而濟今日防漕緊急工程之費。是捐虛名而圖實用。揆諸事體。似亦相應。夫隨時濟務。難泥故常。製難群疑。必資權變。伏望皇上軫念地方。師旅饑饉。適遇時艱。錢穀甲兵。會逢財絀。亟勅戶工二部。再加詳議。俯從所擬。施

行地方幸甚

會議大同巡按

尚約題兵餉疏

大同兵餉

題為進兵運餉乞

勅督撫將領官員嚴加戰守以

慰 聖懷以安重鎮事、兵科抄出巡按直隸監察御

史樂尚約題、臣於四月初五日至大同鎮城、見得總

督侍郎江 調取官兵已分營伍糴買軍儲漸足支

用所當進兵之時矣、隨該侍郎江 於本月十一日

會同巡撫大同右僉都御史楊 督同鎮守大同總

兵官張承勛、統兵前赴右衛訖、臣愚以積久未練之



兵恐難取勝于一戰而糧草所備未多又難以爲持

樂前疏

久之謀縱右衛之路通而糧餉稍入臣聞右衛之內

云右衛者宣大兩之鎮之門戶也右衛不守則宣大

粟米竭矣牲畜盡矣房屋燬矣餓殍者衆矣老幼飢

不能安此是口要地故曰大之國國之

餓而不能興者不知其幾矣耕稼廢于歷年而田畝

爲醜虜之牧地牛具供於炊爨而農夫爲鋒鏑之冤

魂苦楚之狀難以言悉者也若不仰賴 聖恩大加

賑濟以備不虞恐數萬生靈雖少蘇於萬歿一生之

後七八月間胡馬強壯信內逆之勾引效已往之久

圍則右衛之路暫通而復阻今日之兵雖散而復徵

軍旅之供所費益多。而邊疆之中。殆無寧刻。此臣之所以過爲將來者慮也。伏望皇上嚴勅督撫諸臣同心協力。務在勦除。而右衛旣通之後。守者多給粟米。耕者多給牛種。使人人而爲自食之利。量地理而加修墩堡。酌要害而添設將官。使隨地而爲戰守之圖。則虜賊之兇黠難保其不犯。而我軍之有備。庶免於倉皇。至於應援之兵。可以調用。兵馬之費。可以儲積者乞勅戶兵二部。速爲議處。不惟右衛之圍可解於目前。而大同都邑凋弊之久。可振作於將來矣。

臣等曾議得大同右衛久爲虜困若使往年巡按御史據實奏聞早爲區處豈致危急如此所據御史藥尚約奏稱欲救目前之急必須調遣援兵積儲軍餉欲爲經久之計必須仰賴 聖恩大加賑濟守者多給粟米耕者多給牛種量地里而加修墩堡酌要害而添設將官皆禦虜安民之計深爲有見相應會議擬奏除調遣援兵節該兵部題奉 欽依督發主客官兵十一枝已經月餘量已調集其積儲軍餉節該戶部陸續給發帑銀共三十餘萬兩買辦糧草已有

運至左衛者，但虜退之後，即爲久遠之計。四事委宜區處相應，大發帑銀，早爲賑濟。或一時運解未及，就於見到大同銀兩內，動支四萬兩，內二萬兩計美右衛官軍民戶分別賑濟，作爲米粟之數，二萬兩給爲屯種官民田地牛種之資。戶部即將今次用過銀四萬兩，照數補完。至於扣修墩堡，則或仍舊貫，或創新營務，須并及邊牆通行整理。據扼險要，控制賊衝，我得通行。賊難邀阻，添設將官，則如左衛威遠、平虜等衛，牛心、高山等堡，可以聯絡聲勢，互相犄角去處。

則副將。小則遊守。隨宜設置。揀選將領。及時預防。此皆御史樂尚約奏內事情。臣等酌議具奏。此外尚有四事。一則該鎮軍少。輒調客兵。往來勞費無益。戰守必於各衛所官軍舍餘內。及土著居民多方抽選。召

召募不如土著事。甚明。

募。揀拔精壯。補足原伍。時加訓練。應得糧餉。照例支

給。一則邊儲缺乏。實繇鹽法廢壞。不收本色。專徵折

○此一役。後復。謹法有。卓。謹。

色。以飛輓良法。久廢不講。即今危急。雖積金如山。何

益於事。為今之計。必須議復飛輓。開中鹽引。定收本色。仍減斗頭。勿徵銀兩。庶使富商豪戶。各自赴邊。春

農之際既能借貲本以助耕種秋收之時又能收米粟以易鹽引邊地自然開墾糧料自然充足安邊足用此爲急務但每言及此人皆視爲迂緩不濟急用殊不知三年之艾自今蓄之尤爲可及不然年復一年動支內帑坐困東南耕種之民無益西北飢疲之卒庫藏日至空虛邊鄙日至荒廢矣一則官吏貪殘軍民困苦忍棄鄉土甘從醜類亟宜嚴設文武官員用心撫綏軍民多方設法招回在虜人口免其糧差嘉靖末二年多有遊民逃入虜中若夜升之東是也加意安輯一則有名逆賊多在虜中勾引逋逃且歸

且叛反覆無常。須要密謀曲計。或購賞以擒渠魁。或遣間以離黨與。務使互相疑貳。莫敢近邊。凡此樂尚約所奏。臣等所議事件。皆是虜退路通之後。方可施行。至於酌量事勢。相度時宜。全在總督大臣審處。合候命下。咨行總督尚書楊。嚴督該鎮巡等官。同心協力。先救目前之急。趁此兵餉既集之時。即便驅賊入餉。以解右衛倒懸之苦。隨將賊退路通。修墩堡。築邊牆。設將領等項。并會議足兵足食。內收人心。外攜賊黨事宜。各要乘時刻期。着實舉行。永安重鎮。上

慰 聖心其賑濟銀兩咨行都察院劄行御史藥尚  
約督領守巡等官設法給散務使人沾實惠事完徑  
自造冊奏繳此外若別有關係目前要務日後遠猷  
應處置者仍聽總督大臣作速議奏以憑覆請 定  
奪臣等忝受股肱耳目之任值此邊陲多事不能出  
謀宣力爲 國保民仰體 宵旰之懷致蒙 皇上  
勅下廷議謹叅合衆論上乞 聖裁  
得旨都依議着實舉行

會題處置南京叛軍疏

南京  
叛軍



兵科抄出南京兵部等衙門尚書等官張 等題近

所載南都兵變事甚詳故存之

緣南京戶部扣減月糧，五營兵衆一時並起，攻圍督儲公署，將侍郎黃懋官追逼越牆，頓跌昏死，拖入大中街，懸屍橋坊，備極慘辱。又將本官故妻破棺出屍，所有家財，劫掠蕩盡。彼事起倉卒，只得委曲撫處，緣各兵原無叛心，祇十數兇徒乘見衆怨，誘脅至此，當即解散，即已各隨營伍操習如常，而首事姦人自知罪重，乃復招誘徒黨，或謀於野肆，或飲於神祠，倡爲洗營之訛，圖行走海之計，以致人情危懼，洶洶動搖。

臣謀同本部右侍郎李遂訪據坐營華恩把總張勳等開報首惡周山等叅互無枉乃先期出給各軍安家小票文各一張隨於三月十六日部勒戒嚴行各營把總分投捕獲周山蔡忠劉鑾滕彪顧山陳官三鄭計孫鯁惠緒號金巖甫張玉馬紀繆鑾劉華夏鐸李仲李文昇祝昶朱受兒謝學及先獲今故錢周江伏住江甫蔣貴葛貴等二十五名并未獲一名唐四兒臣等會同內外守備鞠審無詞隨行給示榜開各惡姓名即有脫漏俱不查究大抵事干人衆寧有遺

奸不敢濫及、要以杜其轉攀之口、而安其反側之心

委過于激成則事易

耳、再照前項克逆、雖髮起於積怨、而事緣於激成、然

結此亦從來積弊矣

各軍叨蒙 國家厚養、垂二百年、承平日久、曾無征

戍之勞、即使支放愆期、亦不過有司出納之吝、乃敢

於白晝大都之中、戕害大臣、逼脅府部、重傷 國體、

厚負 天恩、但原其初心、止因饑年艱窘、讐害所司

本無他意、不有重創、何以正法、不有大赦、何以安人、

伏望 皇上早 賜處分、以釋疑懼、此輩苟有人心、

感蒙生全之 恩、當益效死之報矣、等因奉 聖旨

兵部看了來說。臣等看得南京營兵。本以烏合。原非

部口覆數師尚。有將酌

虎旅。豐儲坐食受。朝廷養育之恩。沃土安居。無邊

陞征戍之苦。不能感奮效忠。外淨倭氛。乃敢於白晝

大都之中。脫巾羣譟。戕辱部臣。據城勾虜。雖少異雲

朔之克。越貨傷人。實不減甘涼之變。律以無將之戒。

即便通行誅夷。亦不為過。仰蒙 聖皇在上。好生之

心。乾坤合德。燭微之智。日月同明。憫其無知。止欲擒

其首惡。開其自新。遂盡赦其脅從。至仁大義。招揭無

遺。隨今渠魁相繼就縛。一時根本之地。倏爾輯寧。四

方觀望之情，居然消弭，地方幸甚，臣等幸甚。

皇明經世文編卷之

終

皇明經世編

鄭端簡集

南京版

三五

平露堂